



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Eisdem.

urn:nbn:de:hbz:466:1-20020

ARCHIEPISCOPO LARISSENO,
& Episcopo Cithoniensi.

E I S D E M.

Epist. 161.
Contra nobiles
Achaiae deti-
nentes bona
ecclesiastica.

EXposuit nobis venerabilis frater nos-
ter Archiepiscopus Patracensis quòd
nobilis vir . . Dominus Achaiae & quidam
alij Latini habentes in illa terra dominium
corporale possessiones quas Ecclesiae sub
annua certa pensione consueverant Græ-
corum temporibus retinere, per violentiam
auferentes, secundum curiæ suæ iudicium
ipsas ordinant & disponunt, cogentes Ec-
clesiarum praelatos de litigiosis possessioni-
bus in foro contendere seculari & consue-
tudinibus ac institutionibus quas illic ipsi
noviter creaverunt subesse, nullam inter lai-
cos & Clericos aut Ecclesias differentiam
faciendo. Negotia verò ecclesiastica quæ
vel apostolicæ commissionis auctoritate,
vel jurisdictionis ordinariæ ratione, à viris
ecclesiasticis sunt tractanda, sine licentia
sua terminari non sinunt; quæ si forsitan
præter voluntatem eorum decisa fuerint,
quod statuitur non servatur. Qui etiam
propriis Episcopis inconsultis abbatias, Ec-
clesias, ac præbendas, necnon etiam quæ-
libet ecclesiastica beneficia laicis & Cleri-
cis indifferenter tribuunt sicut volunt, &
vacantes Ecclesias per proprium ordinari
praelatum minimè permittentes, Canoni-
cos quoque in nonnullis Ecclesiis intrude-
re non verentur, excommunicatos tam
Clericos quàm & laicos in sua pertinacia
confovendo. Cùmque dudum ad bellum
contra Michalicium processuri, recipien-
tes corpus & sanguinem Iesu Christi, om-
nes pariter promisissent, quin immo per
votum obligaverint se solemne, quòd de
ipso prælio redituri, decimas Ecclesiis suis
solverent, & subditos suos tam Latinos
quàm Græcos cogerent ad solvendum, id
postmodum efficere non curarunt. Quo-
circa fraternitati vestræ per apostolica
scripta mandamus quatinus Latinos hujus-
modi, ut decimas Ecclesiis suis solvant, si-
cut ex communi jure ac speciali quoque
voto tenentur, necnon etiam super univer-
sis prænotatis abusibus à sua præsumptio-
ne desistant, monere prudenter & effica-
citer inducere procuretis, ipsos ad hoc, si
opus fuerit, per censuram ecclesiasticam
appellatione remota, sicut justum fuerit,
compellentes. Si quid autem recurrerit
quod apostolica indigere providentia vi-
deatur, illud ad nostram audientiam refe-
ratis. Datum Laterani 11. Kal. Novemb.
anno tertio decimo.

Venerabilis frater noster Archiepisco-
pus Patracensis in nostra proposuit
præsentia constitutus quòd cùm . . quon-
dam Constanti Imperator abbatiam Pan-
toeraton in urbe Constantinopolitana fe-
cisset, redditum viginti quinque librarum
perperorum, quem antiquitus Patracensis
Ecclesia pro quibusdam possessionibus im-
periali cameræ perfolvebat, eidem contu-
lit abbatia; sed cùm tempore precedente
difficile foret Ecclesiae memoratæ pro pos-
sionibus ipsis quantitatem exolvere præ-
taxatam, ad hanc demum compositionem
cum eadem abbata devenit ut pro posses-
sionibus prædictis quinque tantummodo li-
bras perperorum sibi redderet annuatim,
& sic possessiones easdem recuperavit &
habuit usquequo in Achaiam intravere La-
tini, per quos illis fuit contra justitiam de-
stituta. Vnde nobis idem Archiepiscopus
supplicavit ut detentores prædictarum pos-
sionum restituere cogeremus easdem Ec-
clesiæ Patracensi sub præscripto quinque
librarum reddito retinendas. Quia igitur
nobis non constitit de præmissis, fraterni-
tati vestræ per apostolica scripta manda-
mus quatenus vocatis quos propter hoc
noveritis esse vocandos, audiat causam,
& appellatione remota sine debito termi-
netis, facientes quod decreveritis per cen-
suram ecclesiasticam firmiter observari.
Testes autem qui fuerint nominati, si se
gratia, odio, vel timore subtraxerint, cen-
sura simili appellatione remota cogatis ve-
ritati testimonium perhibere. Nullis lite-
ris veritati & justitiæ præjudicantibus à se-
de apostolica impetratis. Datum Laterani
11. Kal. Novembris, pontificatus nostri
anno tertio decimo.

E I S D E M.

Querelam venerabilis fratris nostri
Archiepiscopi Patracensis recepi-
mus continentem quòd cùm nobiles viri
Guiardus & Guillelmus quicquid juris ha-
bebant in feudo quod in Constantinopo-
litana urbis acquisierant captione, uni eor-
um octingentis ob hoc perperis ab eodem
Archiepiscopo perfolutis, Patracensi Ec-
clesiæ contulissent, nobilis vir Gaufridus
de Villa-Arduini Achaiae Dominus feu-
dum ipsum auferens Ecclesiae memoratæ,
illud cuidam Militi pro sua voluntate con-
cessit. Ideoque fraternitati vestræ per apo-
stolica scripta mandamus quatenus tam
eundem Gaufridum quàm præfatum Mili-